

الرشاد

س ١٠٠٠ ١٣٣٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميدر
اتبعون اهدكم سبيل الرشاد
صاحب ومدير مسئول : ح : اشرف اديب

چاره اولیہ حق کی کلیور . ایشہ جہالت و نفاقک نتیجہ سی . بوقنا
تخمیری اکن شیعہ لک ، سنیلک مسئلہ سیدر . آرتق کیم ایسترسہ
اویانسون ، ہرکیم دیلرسہ ابدیا اویوسون .

س . م . ت

مکتوب

بر مکتوب مہم

سید سنوسی حضرت تارندن مجاہد محترم انور بک

سید سنوسی حضرت تارنک مرکز سیادتی اولان کفرہ دن ساحہ حربہ
حرکتندن اول مجاہد محترم انور بک خطاباً تحریر وارسال ایلدیکی مودتنامہ
جوابنک ترجمہ سی صورتیدر :

بسم الله الرحمن الرحيم

« و صلی اہ علی سیدنا محمد و آلہ و صحبہ وسلم . حق سبحانہ و تعالیٰ
حضرت تارنک عبدی احمد بن السید محمد الشریف بن السید محمد بن علی
بن السنوسی الخطابی الحسینی الادریسی دن عالی الہمہ ، شریف النظر ،
صاحب الرأی الصائب و فکر الثاقب ، دولت علیہ نک ید یمناسی ، ساعد
قویسی ، بطل الہمام انور بک افندی ادامہ اسماعادہ و وفر حظوظیہ
اعلام اولنورکہ :

بعد اهداء اتم السلام والتحية والا کرام . . . مکتوب شریفک
واصل و بیانات فخمہ کز منفہم اولدی . جناب باریہ حمد و شکران
اولسون کہ بومکتوب بکزدہ صحت و سلامتکز خبر بشارتیلہ بشر اولدق .
طرفکزدن تزد مزہ واصل اولان اخواندن آلدیغمز معلوماتدہ حال
اسلامک بک مکمل اولدیغمز رغماً لیم ایتالیانلرکدہ دائمائاً خائب و خاسر
بولندقلرینی استبشار ایلدک و درجہ نہایہدہ مسرور و فرحناک اولہرق
غیرت اسلامیہ نک بو درجہ غلیانندن طولانی جناب واجب الوجودہ
حمد و ثنایر ایتدک .

ایتالیانلرک بلاد اسلامیہ یہ تجاوز و تعرضلری نہقد ر موجب لعنت
و نفرین ایسہامت اسلامیہ نک آنلرہ قارشی وطن و دین ناموسنی مدافمہ
ایللری اومرتبہ مستلزم حمد و شکراندر . جناب حق کتاب کریمندہ :
« یا ایہا الذین آمنوا ان تنصروا الله ینصرکم ... » و « ان ینصرکم الله
فلا غالب لکم . . . » بیور مشلدر .

اوحالده کزک سزہ و کزک بزلرہ شمدی واجب اولان شی : کمال
جد و حزم و عزم ایلہ چالشق ، دشمن دنیہ قارشی جہاد ایلکدر .
بتون اهل اسلام بوجہادہ اشتراککہ ککۃ واحدهدہ اجتماع ایتمش و ایتمکدہ
بولنمش اولدقلرینی بردها اثبات ایلیدرلر . بوکا بناءدک بزدہ دائرہ
نفوذ مزده بولنن بتون اخوان مسامینی جہادہ اشتراکہ دعوت ایلدک
واولنرک اعلاء ککۃ اہ ایچون بالعموم وطنداشلرلہ یکوجود و یک فکر

دوچار اولمینجہ ہرچہ باد آباد اوتہیہ برویہ واک صکرہ یوز بوقدر قریہ
اشغالیلہ نتیجہلندی . روسیہ و انکلترہ سفیرلرینک تصدیقہ افتران ایدن
عثمانی - ایران خریطہ و پروژہ سندہ کوستریلان منازع فیہ حدودک
بریسندہ بولنن یوز لرجہ ککلو متروک مسافہ عسا کر عثمانیہ طرفندن
اشغال اولندی . تام ایرانک تقسیمی باشلانیر باشلانیر ، ایتالیا حکومتی
بردنبرہ اعلان حرب ایدنچہ روسیہ دوستمزده عقیندہ فرصتدن استفادہ یہ
قرار ویردی .

عثمانی - ایران حدودینی حل ایچون تشکل ایدن قومیسسیونہ
ایران حکومتی مرکزندن اعتلاء الملک نامندہ ایکی ذات انتخاب ایدیلوب
در سعادتہ التشریرا معاشرہ اعزام اولندیلر . بو ہیئت ایران سفیر کبری
(احتشام السلطنہ میرزا محمود خان) حضرت تارنک ریاستی تحتندہ باب
عالی دہ کی عثمانی قومیسسیونیلہ برلشوب مسئلہ نک حلیلہ تام اشتغال
ایدہ جککری صیردہ روسیہ دوستمز (۱) همان حدودلرہ عسکرینی
تخشید ایدیویردی .

ظہر اندن کلن ہیئتک اللہ وثیقہ اولمق اوزرہ برکاغد بارچہ سی
ویرلیوب ، لازم کلن وثائق روسیہ سفارتنک تاتاریلہ استابولہ
کوندرلمی ایرانک (حر قابینہ سنجہ) قرارلشدی . وثائق مذکورہ نک
وصولدن صکرہ بو قومیسسیون حدود مسائلنی حل و فصل ایلہ
اوغراشہ حق و اختلاف نتیجہ سندہ (لاهی) حکم مجلسنہ تودیغمہ
چالیشیلہ جقدرد .

منصفانہ دوشونیلیرسہ بو مسئلہ نک ، عثمانی - ایران حدودی
تسمیہ سندن زیادہ عثمانی - روس مسئلہ سی اطلاقہ سزاوار اولدیغنی
اعتراف اتمک لازمکلیر .

ایرانک حق فرضا اثبات و تحقق ایتسہ بیلہ متنازع فیہا اولان
اراضیدن ذاتاً استفادہ ایدہ میہ جکی آشکاردر . چونکہ اراضی مذکورہ نک
روسیہ منطقہ نفوذی داخلندہ بولندیغندن ، بالطبع روسیہ دولتک دست
قہار تغلبہ کچہ جک و فقط حکومت عثمانیہ نک محرومیتیلہ نتیجہ لہ جکدر .
اراضی مذکورہ ایرانہ کچہ جک اولسہ یدی امین کہ حکومت عثمانیہ طرفندن
هیچ بر اعتراض وقوع بولمہ جقدی ، بلکہ بالعکس اوستندہ کندی طوپرا .
غذبن بر قضا ویا بر لوا بیلہ ترک ایتمک موافقت ایدہ جکدی . کرک ایرانک
عثمانی یہ و کرک عثمانینک ایرانہ کچہ جک اولان یکدیگرینک حقوقی
اساساً قاردندن قاردہ شہ کچن فضلہ حقندن بشقہ برشی تشکیل ایتدیکی
جہتلہ هیچ بر طرفک اشمتزار و اغبرارینی ، وجب اولمزدی . فقط
مع الناسف شمال جہتندن ہر ایکی طرفہ هجوم ایدوب بارچہ لامنی
نصور ایدن آزعین بر . . . نک دندان حرص وانہما کنبہ بدبختانہ و جاہلانہ
اہمال بلاسی نتیجہ سندہ نصیب اولہ حق اولان بو اراضی اسلامیہ یہ
آتیا ایران دہ آغلا یہ حق ، عثمانی دہ حیران اولہ جقدرد . بناء علیہ
خلاصہ کلام اولہرق عثمانی - ایران حدودی مسئلہ سی (نصرالدین
خواجہ) نک یورغانندن بشقہ برشی دکادر ، بتون کورولتی ، شمانہ
آنک باشندہ دونیور . زفت اولسون ، زقوم اولسون دیمکدن غیری

اولمیرنی آرزو ایتدک . اولر جناب فیاض قدیرک کتاب کریمده :
« قاتلوهم بعدہم اللہ و ان اللہ اشتری من المؤمن انفسہم و اموالہم بان لہم الجنة . . . » اولدیفنی درخاطر ایدرک دشمن دین و وطن ایلہ بتون عزملریلہ ، بتون وارلقریلہ اوغراشه جقلردر .
زده انشاءا تعالی یقینده سزه قاووشه جغز و مجاہدین اسلامیه میاننده بولنقلہ افتخار ایلہ جکزر .

مهر

المقتبس النورالقندوسی احمد بن محمد
الشریف الادریسی الحسینی السنوسی

- برنجی نومروسنک مندرجاتی :
(۱) اسلامیتک اون اوچ عصرلق سیاستی . محرری (یقینده اسلامیت ایلہ مشرف اولان ژاپون اشرافندن) بارون هیکو .
(۲) ژاپونلرک اسلامیتہ نظری و حال حاضرده کی موقعی . محرری : حسن مرشد .
(۳) اتحاد اسلام . محرری : احمد منیر رشید ،
(۴) شرقده قرآن شریف . محرری : محمد برکت اللہ ،
(۵) سوسیالیزم و اسلام . محرری : لویز نیکل ،
(۶) طرابلس غرب محاربہ سنک عالم اسلامہ تأثیری .

فطیونیک

طرابلس غربک مسلمانلرجه اهمیتی

ایتالیانک آوروپاده مسلمانلنی بوغرق املی

« طرابلس غرب کرک عثمانلیق ، کرک عالم اسلامیت ایچون فوق العاده مهم بر مرکزدر . آفریقای وسطی ایچنه مدنیت و افکار اسلامیه نک انتشاری امرنده طرابلس یکانہ بر قبو ، برنجره اوله رق قالمش ایدی . آنک ایچون طرابلس ، مستقبل اسلامیت طولایسیله غایت مهم بر نقطه در . واقعا انکتره ایلہ فرالسه بر معاهده ایلہ طرابلسک هینترلاندینی یعنی کیریسنی کسمشدر ایسه ده طرابلس ینه اسلامیتک مدخلی اولق وظیفه سنی ایدہ بیلورردی . با خصوص مسموعاتمز طوغری ایسه ایتالیا طرابلسک بو خدمت مدنیة اسلامیه سنی نظر دفته آله رق سرد ابتدکی شرائط آره سنده حریت مذهبیہ متعلق بر قید قویمش . بو حریتی (Liberté individuelle) یعنی شخصی و فردی بر حریت اولق اوزره سرد ایلش ! دیمک که جماعتجه ، اداره جه بر حریت طانییور . مؤسسات دینیہ تشکیلاتی حقنده غایتله احتیاطلی طاورانیور . ایتالیا کنندیسنه جواب رد ویریلہ جکندن قطعاً امین اولدینی حالده آکلاملی که حریت مذهبیہ بیلہ تقیید ایتک ایسته بور ، دیمک اولیور که معاذالله طرابلس غربک ایتالیا الله یکمسی فرض ایدلسه آرتق سنوسی هیئتلرینه مساعدہ ایدلیه جک . بو ایسه حاکیت دینیة اسلامیه ی ضعفه دوشورمک ایچون دوشونلش برشیدر »

— — — — —

« توکیوده » اسلام غزته سی

بو کره ۲۰ شباطدن اعتباراً ژاپونیه ده ژاپون لساننده « اسلام » نامیلہ فلسفی ، دینی بر غزته نشرینه یاشلانمشدر .

شیونیک

بیاننامہ مشیختپناهی . — دین مبین اسلامک تسترنسوان حقنده کی احکامی نیجه منافعی جالب و بونجه مفاسدی مانع و سالب اولوب حتی آوروپا حکما سنندن بر جوقلری طرفندن دخی تقدیر ایدلیکی حالده زده بو وظیفه دینیہ نک و بونک اوزرینه تأسس و تقرر ایدن عادات مستحسنه ملیه نک کوندن کونه اهمیتدن اسقاط ایدلمکده اولدینی کمال تأثرله مشاهده اولنقده در . نسوان مسلمہ نک تستر مقصدیلہ من القدیما استعمال واکتسا ایتکده اولدقلری چارشفلرک شکلی رفته رفته تغیر ایدرک برمدتدنبری موده یه تبعاً اکتساب ایدلیکی شکل و صورت عقلی باشنده اولانلرک جمله سنی تأثیرات عمیقہ یه دوچار ایدیور . ناموس و حیثیتنی ، عفت و عصمتنی محافظه قیدده بولنان اسلام خانلرینک دنیاده اک بیوک فناقلری جالب و دار آخرتده سؤل و عذاب الیمی مستوجب اولان بو کبی حاللردن توقی ایللری نه درجه لرده واجب ایسه بز ارککلرک دخی ارباب ناموس نظرندہ چیرکین کورلدیکی شبه اولمیان بوکبی موده لرله کیت کیده دائره ادبدن خارجه جیقمق ایستیان زوجات و بناتمه حدود شرعیہ یی تلقین و تفهیم و قوق العاده محافظه سی هرکسه واجب اولان عادات ملیه رعایتی توصیه و خلا فی حرکتده بولنانلری تأدیپ و منع ایلککلرکمز اقتضا ایدر . ملنک مطلوب اولان ترقیسی آداب دینیہ و عادات مستحسنه قومیه نک حسن محافظه سیله قائم اولوب حتی ژاپون قومنک اوتوز قرق سنه طرفنده ایشیدیلان ترقیات خارقه نماسی بوسایه ده میسر اولمشدر . بزبوحقیقتلردن غافل ، هوا وهوس نفسانینک ایجابانه مائل اولورسه ق امید ابتدیکمز وجداً محتاج اولدیغمز ترقی و تعالی یه بدل کنام اولمقلغمز مقرردر . ممالک عثمانیه ده طانمش اولان ادیان اربابی کندی مذهبلرینک آداب و ایجاباتی اجرا ایلہ مکلف اولوب بوکا مخالف حرکاتک ممنوعیتی دخی قانون جزانک طقسان طقوزنجی ماده سنک اوچنجی ذیلی موجینجه با اراده سنیہ اتخاذ و اعلان ایدیلان مقررات ایلہ بو کره حکومت سنیة عثمانیه جه تأیید ایدلش و بو فقره مذکوریه تماس ایدن جرائمک تعقیبی و مرتکبلری ایچون محاکم